

Սադունց

Մակերես՝ 6.68կմ²

Բնակչություն՝ 293

Գյուղ Արագածոտնի մարզի Արագածի տարածաշրջանում: Նախկինում կոչվել է Զարվանսարա, Զարավանսարա: Գյուղի անվանումը քրդերենից թարգմանաբար կոչվում է 'Նոր կյանք': Մարզկենտրոնից գտնվում է 51 կմ հեռավորության վրա:

Նախկինում մտել է Արթիկի, երբեմն էլ Ապարանի շրջանների մեջ: Գյուղի շրջակայքում նշմարվում են հին հայկական բնակավայրի մնացորդներ:

Գտնվում է Արագածի ստորոտում, սարավանդի վրա: Գյուղն ընկած է ծովի մակարդակից 2100 մ բարձրության վրա: Կլիման բարեխառն լեռնային է: Ձմեռները տեւական են, ցուրտ, հաստատուն ձնածածկույթով: Ամառները տաք են, համեմատաբար խոնավ: Հուլիսյան միջին ջերմաստիճանը տատանվում է 16-18-ի սահմաններում, հունվարյանը՝ -6,-8-ի սահմաններում: Մթնոլորտային տարեկան տեղումների քանակը 450-600 մմ: Բնական լանդշաֆտները սեւահողային տափաստաններ են:

19-րդ դարի առաջին կեսին եղել է անմարդաբնակ, 1897 թ-ին ունեցել է 192, 1926 թ-ին՝ 380, 1939 թ-ին 584, 1979 թին՝ 263 եզդի բնակիչ: Համայնքի բնակչությունը կազմում է 294մարդ, որից 47% տղամարդիկ են, իսկ կանայք՝ 53%: Մինչաշխատունակ տարիքի բնակչությունը կազմում է 43%, աշխատունակ տարիքի ներկայացուցիչները՝ 48%, հետաշխատունակները՝ 9%: Գյուղն ունի 56 տնտեսություն: Ունի դպրոց, կապի հանգույց:

Գյուղին հատկացված հողերի 63% սեփականաշնորհված են, պահուստային հողերը օգտագործվում են որպես վարելահողեր եւ արոտավայրեր, կազմելով համապատասխանաբար 40 հա և 35 հա:

Գյուղի տնտեսության մասնագիտացման ճյուղը անասնապահությունն է, բուծում են մանր եւ խոշոր եղջերավոր անասուններ: Չբաղվում են դաշտավարությամբ, մշակում են հացահատիկային, կերային, բանջարաբոստանային կուլտուրաներ:

Արդյունաբերության մեջ զարգացած է սննդի արդյունաբերությունը: Այստեղ է գտնվում պանրի գործարանը, որն արտադրում է 'Չանախ' տիպի պանիր:

Համայնքի հիմնախնդիրների մեջ կարելի է դպրոցի շենքի, գյուղամիջյան ճանապարհների վերանորոգումը: